

DIE ABVERHEITE

Sujet: 's VERSPILT BASEL
 oder **VORNE EWÄGG UND HINDE DRA**
 e neje Zytvertryb mit unerschepflige Variante
 (bis nyt meh do isch)

EILE MIT WEILE

ein gar schröckliches Spiel
 ielregel: 25 mol die Alte, ohni Beiz

Dr Fasnachtsroute goht bigoscht
 Basel Wescht no Basel Oscht.
 's goht ai Schritt vorwärts, drey Schritt zruug,
 und me schloht Wurzle uff der Brugg.
 Me stoht am Ort – es friert an d'Fiess di –
 Wenn 's Comité das mache miessti!

BLINDI KUEH – MACH D'AUGE ZUE

der schlof Bebbi schlof ...
 also dachte der Heimatschutz und empfahl:
's STÄRN(E)LISPIL
 en Art e Ver-Schieberlis
 Spielregel: Es handelt sich hier um ein Geschicklich-
 keitsspiel, bei welchem sämtliche Häuser
 des alten Basel in ein Loch gerutscht werden.

Dr Laie isch in d'Dalbe ghupft,
 dr Hirze het me zämmegrupft,
 dr Stärne macht sich scho uff d'Sogge,
 är muess in 's Dalbeloch go hogge.
 Kunnt 's Minschter ächt no uff d'Chrischone?
 Und 's Rothus denn an Gellert z'wohne?
 Ganz scheen verpaggt dr Rollerhof
 'vt – wie dr Heimetschutz – im Schlof.
 ns Bebbi tuet nur ai Frog quäle:
 gässle mer, wenn d'Gässli fähle?

Charli, Bellerli, Ribbedira,
 in kunnt ächt dr Schlissel dra?

MACHET AUF DAS TOR

e Regio-nal Basler Spil
 Vocabulare: Völkerball Bal des Nations Spittelfesch

Im nynzähundert septant-deux
 hämmer do 's olympisch jeu,
 d'Markgräfler, d'Bebbi, d'Schampedyss
 bäschele drus e Risegschyss.
 Es schuttet force dr Charly Goal,
 dr Erhard turnt – isch das nit drôle?
 dr Tschudi tänzlet uff em Seil,
 d'Regierig schwimmt au mit zem Teil.

MENSCH ÄRGERE DICH NICHT

oder s'Poschtlait-Zähleli-Spil
 Spielregel: Kann nur gespielt werden, wenn
 genügend Zeit zur Verfügung steht.

Si hänn do z'Bärn vyj Zyt verlore
 und uns e neggisch Spil gebore.
 So vyli Nuller hänn dert brietet,
 i ihre hohle Hirni gwietet,
 j Ergäbnis isch denn au fatal,
 heisst schlicht und aifach: Poschtlaitzahl.
 De gsehsch is alli Tag jetzt flueche,
 verzwyflet s' glai gäl Biechli sueche.
 Statt Fasnacht nyn-drey-zwanzig stoht,
 uff sächs-elf-drey dr Chaudet goht,
 dr Fidel sächs-sieb-elf sait lago,
 raucht sächs-sächs-eins-vier nimm Brissago.
 Au wenn d'Poscht sibzäh-elf wott heere –
 fir uns isch's trozdam nur MISERE.

Gäll do bisch am 9499!
Poschtlaitzahle- 6113 Holzwäg
Vademecum: 6711 Castro
9499 suech sälber

HALMA MATER

oder tamen cenabimus

Spielregel: Der Migros zahlt dem Consi 5 Batzen in die Kasse und hat dafür mehr Gäste.

Viene freje Spatz
uff em Petersplatz
sehsch du vyl Studänte bummle,
heersch si au energisch brummle.
's gäb wahrhaftig, sait dr Delfi,
nit emool e Frass am zwelfi.
Im ACV isch 's z'Ohre ko,
är witteret e Gschäftli scho.
Dr Migros reagiert no schnäller,
2 Frangge koschtet nur sy Täller,
und dr Studäntepresidänt,
da schneert und schneert, schneert ohni Änd:

ÄNE DÄNE DISSE – DU BISCH BSCHISSE EPFEL BIRE NUSS – UND DU BISCH DUSS

en Expo-niert Frog- und Antwort-Spil

Spielregel: Zu spielen wie:

ES GEHT EIN BÖSES DING HERUM

Mer mechte, dass Si uns jetzt sage,
wievyl Veltliner Si vertrage.
Wenn hänn Si d'Stäge 's letschtmool putzt?
Hänn Si im Heimetschutz scho gnutzt?
Hänn Si deheim au Katz und Geiss?
h 's Färnseh guet fir Mümmelgreis?
Gehn Si an jede Fuessballmatch? - - - -
i Frogeboge isch e Quatsch!
und d'Antwort druff – mer sage's lysli –
isch heggschtens bruchbar uff em Hysli:
Si sinn, das mecht i fascht behaupte,
e Durchschnittsburger, e verstaubte.
Me merggt: Si gehn au vyl in Zolli
und trage Underwesch vom Molli,
vom Tinguely verstehn Si nämli
genau so wenig wie vom Trämli.
Si läbe halt uff grossem Fuess
und schigge gärn e Kartegruess –
Und sinn Si gsi bim Psychiater,
hänn nyt erreicht bim Stadttheater,
denn sinn Si gwis dr rächti Ma,
d'Verkehrsdiräggerstell do z'ha.

's VARI-ÄNTLI-SPIEL

ODER: WER WÜRFELT DEN ERSTEN STEIN?

Spielregel: Alle meine Entlein ...

en Art e (ver-)Seggligumpe

Ost-Tang-Äntli: rückt ein Feld vor.

West-Tang-Äntli: muss warten, bis ihn alle Mitspieler überholt haben.

Baudepartem-Äntli: gräbt ein Loch zmitts auf der Strasse und setzt dreimal mit Würfeln aus.

Presid-Äntli oder Roger Baum-Äntli: erhält ein Glas Wein und bleibt sitzen, bis ein neuer Präsident fällig wird.

Jundespräsid-Äntli: erhält eine Freikarte für die Expo 1990, inbegriffen 1 Bon für «Voici Bâle» und 1 warme Suppe (mit Tisch Tuch).

Zytigs-Äntli: Dyri-Dyri-dingeli, schlupf in e Winggeli.

Kaffi-D'Äntli: het kai Spitz meh.

Konfirm-Äntli: singt in der Peterskirche: jee jee!

Matur-Äntli: spiele ALLI VEEGEL FLIEGE

Stud-Äntli: Fuchs, du hast die Gans gestohlen
(siehe Halma Mater).

Kommand-Äntli: erhält ein goldenes Kränzlein und spielt weiter
FANG DEN HUT.

Dirig-Äntli: wie beim Waschen, so beim Henken,
stets an Münch und Sacher denken.

No ai Mom-Äntli!

Gang doch am Fasnachts-Zyschtig in d'Ladärne-Usstellig in dr gheizte ('s isch kai Zeedel-Äntli!) Congräss-Halle. Dert findsch vom Morge am 9i bis z'Nacht am 11i no e Huffe Äntli und ebbis ganz Glunges uff dr Ladärne vo de Aiberheite ... äx, mer sage nit was!